


Amahame shingiro aranga amashuri  
y'abaprotestanti .

Umwanzuro w'umushinga wiswe « Amashuri 500 ku  
isi yizihiza isabukuru y'imyaka 500 y'Ivugururwa»

Uyu mwanzuro wavuye mu ihuriro Mpuzamahanga ry'abahagarariye a-  
mashuri y'Abaprotestanti bo mu Budage, Ostraliya, Brezili, Kameruni, Re-  
pubulika Iharanira Demokarasi ya Kongo, Ubuifaransa, Gana, Hongkongo,  
Ubushinwa, Irlandi, Ubuholandi, Filipini, Polonyi, Rwanda, Ubusuwisi,  
Tanzaniya, Ubwongereza na Leta Zunze Ubumwe za Amerika.

IHURIRO MPUZAMAHANGA RYABEREYE I SOESTERBERG, UKUBOZA 2016





**schools500reformation**

Un projet de l'Église Évangélique en Allemagne  
en coopération avec l'Université de Bamberg  
et des Églises et institutions internationales

Publié par  
Evangelische Kirche in Deutschland, Kirchenamt  
Herrenhäuser Str. 12  
30419 Hannover  
[www.ekd.de](http://www.ekd.de)

Chargée du contenu: OKRin Dr. Birgit Sendler-Koschel

Contact:  
Téléphone: +49 (0) 511/55 47 41 45  
E-mail: [team@schools500reformation.net](mailto:team@schools500reformation.net)  
[www.schools500reformation.net](http://www.schools500reformation.net)

Février 2017

## Iriburiro

Muri uyu mwaka wa 2017, harimo kwizihizwa Yubile y'imiaka 500 ishize Martini Luteri amanitse ingingo 95 ku muryango wa Kiliziya yari ayoboye i Wittenberg mu Budage. Iyi Yubile ni umwanya mwiza ku mashuri y'Abaprotestanti wo gutekereza ku buryo bwiza bwo kwiteza imbere yishingikiriza ku binyejana by'umurimo ku neza y'abantu bose, atari mu Burayi gusa, ahubwo ku rwego mpuzamahanga. Ivugurura ryaciye akarongo ku nyigisho za Bibiliya n'uburezi, ndetse n'ubu hari amasomo dukwiriye gukuramo.

Abantu bahagarariye amashuri y'Abaprotestanti baturutse mu bihugu 17 byo ku migabane 5, bateraniye i Soesterberg, mu Buholand. Nyuma y'uko bamaze guhana amakuru ku bunararibonye bwabo, bemeranyije kuri iyi nyandiko isobanura icyerekezo kijyanye no kwagura byimazeyo ubufatanye bwabo. Iyi nyandiko irimo amakuru ku mikorere itandukanye y'amashuri y'Abaprotestanti, n'inyigo rusange ku mahame ya tewolojiya n'uburezi. Isoza igaragaza icyerekezo gishimangira imikoranire ku rwego rw'akarere no ku rwego mpuzamahanga. Iyi nyandiko yagombye gufasha abantu bose bafite inshingano mu mashuri y'Abaprotestanti, mu Matorero, Abayobozi b'inzezo za Leta na sosiyete muri rusange, ku myifatire y'ayo mashuri n'ruuhari rwayo muri gahunda y'uburezi bw'abenegihugu.

Nubwo amashuri y'abaprotestanti akorera ahantu hafite imiterere itandukanye cyane, yose ahuriye ku muco wa gikristo, bityo akaba asangiye intumbero imwe. N'ubwo kandi agiye afite umwihariko, yose agira uruhari rugaragara mu bijyanye n'agaciro ka Muntu n'imibereho rusangebinyuze mu mbaraga zayo mu guteza imbere umuco w'icyizere, ubwitange n'ubudashyikirwa, bituma abayakoramo kimwe n'abanyeshuri babona ubushobozu bubabashisha guhangana n'ibihe bizaza bifitemo icyizere.

## **Imiterere y'aho amashuri akorera: Ingorange n'amahirwe**

Amashuri y'abaprotestanti agomba kubaho yiteguye impinduka mu iterambere kubera ko imiterere y'aho akorera ku isi hose ituma habaho ibibazo n'amahirwe agaragaza ibimenyetso by'icyizere.

### ***Amashuri y' Abaprotestanti n'ingaruka z'iterambere ryatumye isi ihinduka nk'umudugudu***

Kuba isi yarahindutse nk'umudugudu byatumye habaho ihuriro mpuzamahanga ry'amashuri y'abaprositanti. Ibi bishimangira na none ko hariho kugaragara k'ubudasa bushingiye ku muco n'iyobokamana, kandi ko umuco n'ubumwe by'Abaprotestanti byakagombye gutuma habaho ibiganiro ndetse no gusangira inararibonye n'andi madini intumbero ziriho ku isi n'indi myemerere.

Iterambere nsanganyamahanga usanga rigenda gushyira uburezi mu cyerekezo cy'ubukungu, aho kwita ku iterambere ry'umuntu ku gitit cye. Amashuri y'Abaprotestanti yo rero akwiye kwimakaza imyumvire yagutse y'uburezi hamwe n'uburezi bwimakaza icyizere mu bantu.

Iterambere nsanganyamahanga rigomba gutuma kandi habaho gutekereza ku ruhari no ku mbaraga z'ibitangazamakuru bishya n'ikoranabuhanga rishya. Ibi bishobora gufasha muguteza imbere ihuriro mpuzamahanga ry'amashuri y'Abaprotestanti; ariko bisaba gukomeza gutekereza no kuzirikana ko hari aho bigomba kugarukira ndetse no ku ngaruka bishobora guteza.

### ***Amashuri y'Abaprotestanti no kuvuka kw'andi madini***

Mu bice byinshi by'isi ya none, amashuri y'Abaprotestanti ahangayikishijwe n'ubwiyongere bw'amadini. Mu gihe ibihugu bimwe bigenda birushaho kwita ku iyobokamana, usanga hari ibindi bihugu bihanganye n'amatsinda y'ubahezanguni bushingiye ku madini, ndetse n'ikibazo cyo kugira iyobokamana igikoresho cy'inayungu za politiki. Mu bice bimwe na bimwe by'isi, umubare w'amadini ukomeje kugenda wiyyongera mu gihe nyamara hari utundi turere tw'isi tugenda twuzuramo imirimo ya gipagani ku buryo iyobokamana rifatwa nk'iritakigezweho cyangwa nk'irizana ibibazo.

Kubera ibi byose, amashuri y'Abaprotestanti akwiye kongera gusobanura ibibaranga byihariye, intumbero yayo, n'uruhare rwabo mu ruhando rw'uburezi no muri sosiyeti. Ayo mashuri agomba kwiyubakamo ubushobozi bwo gushimangira ibyo yemera, ari nako asobanurira abatizera icyerekezo n'amahame ya gikristo mu buryo bwumvikana kandi budashidikanywaho. Ayo mashuri agomba kandi kuba ashoboye kugaragaza uruhari rugaragara mu biganiro n'andi madini ndetse n'izindi ntumbero ziriho ku isi.

### ***Amashuri y'Abaprotestanti n'Abayobozi***

Indi ngingo y'ingenzi ni umubano hagati y'amashuri y'Abaprotestanti n'abayobozi, binyuze muri za guverinoma ku rwego rwa Leta, ku rwego rw'akarere ndetse no ku rwego rw'ibanze. Mu bihugu bimwe na bimwe, izi nzego zitanga umusanu kandi zigashyigikira mu gihe hari na-ho zitagira icyo zikora. Amashuri y'Abaprotestanti agomba kenshi guhangana no gusiganwa n'amashuri ya Leta. Nyamara amashuri y'Abaprotestanti afite uruhare rugaragara mu mibereho rusange ya rubanda, akaba ariyo mpamvu ubufasha buturuka muri Leta ari ngombwa. Tukiri aha, tugomba guca akarongo ku nshingano y'abakristo yo gutanga uburezi bufite ireme, kimwe no ku burenganzira ku burezi bwita ku myizerere y'ababyeyi. Ibi kandi bikubiyemo n'inshingano y'amashuri yo kugira uruhare mu burezi ku muco wo gukunda igihugu n'uburenganzira bwa Muntu kuri bose.

## Uburezi mu mashuri y'Abaprotestanti

Amashuri y'Abaprotestanti, haba ku rwego rw'igihugu cyangwa rw'isi, aratandukanye. Kuba aba mu bihugu n'imigabane bitandukanye, amashuri y'abaprotestanti ashamikiye ku madini atandukanye kandi byanze bikunze agendera ku miterere n'uburyo bw'imikorere y'uburezi by'aho abarizwa. Kubera iyo mpamvu, usanga n'icyerekezo cy'ayo mashuri gitandukanye. Ibi rero bituma habaho ubudasa dushobora kwakira nk'ubutunzi, ndetse bitanga n'uburyo bwo kwigira ku bandi.

Hari inyungu nyinshi, by'umwihariko mu rwego rw'uburezi, gushakisha amahame rusange duhuriyeho binyuze mu biganiro, no gushakira hamwe amasomo ari mu murage w'lvgurura. Nyamara, uretse ibyo atandukaniyeho aho abarizwa, mu bukungu, mu muco n'imibanire, amashuri y'Abaprotestanti afite byinshi ahuriyeho. Ibyo bikubiye mu mahame ahuriyeho tugiye kurebera hamwe ku rwego rwa Tewolojiya n'Uburezi nk'inzira ebyiri zingana kandi zuzuzanya, zikoze urufatiro rukomeye rusigasiye ayo mashuri.

### Urufatiro rukomeye rw'intumbero ya gikristo: inzira ya Tewolojiya

1     *Uburezi mu mashuri y'Abaprotestanti bushingiye ku byiza Imana yaremye.*

Ibiremwa byose byaremwe mu ishusho y'Imana. Kubera iyi mpamvu, bifite agaciro katavogerwa. Amashuri y'Abaprotestanti b'iki gihe azi neza rero ko inshingano yayo y'uburezi igomba kwita kuri buri wese, hatitawe ku rwego umuntu arimo, ku gitsina, ubushobozi cyangwa idini umuntu abarizwamo. Amashuri y'Abaprotestanti yakira kandi aha agaciro abanyeshuri bose; buri wese yaremanywe impano ze yihariye. Uburezi bwa giprotestanti buha agaciro ubudasa. Ni uburezi bugedera ku ihame ryo kudaheza kandi bufite intego gushishikariza urubyiruko kwigirira icyizere no kwibuka ko bafite agaciro ka muntu.

Amashuri y'abaprotestanti abona isi n'ibiyiraho nk'ikimenyetso cy'ubuntu busaga bw'Imana, afata umwanya munini wo guhangayikira ibidukikije n'iterambere rirambye.

2     *Uburezi mu mashuri y'Abaprotestanti bushingiye ku rukundo ruhebuje rw'Imana.*

Imyemerere shingiro y'ukwizera kwa gikristo, twibuka ko twacunguwe ku bw'ubuntu bw'Imana tubiheshejwe no kwizera konyine, itwibutsa ihame rikomeye ku burezi n'imibereho myiza y'urubyiruko : Ikiremwamuntu ntabwo ari ntamakemwa kandi nta nubwo gitegetswe kubabyo. Imana itanga urukundo rwayo nta kiguzi. Abanyeshuri bose bafite agaciro karenze icyo bari cyo, icyo bakora cyangwa icyo bashoboye kugeraho. Niyo mpamvu amashuri y'Abaprotestanti agira umwanya wo kwibaza ku mitekerereze nimirerere by'iki gihe biganisha ku gutsinda.

### **3      Uburezi mu mashuri y'Abaprotestanti bushingiye ku *bwisanzure duhabwa n'lmana*.**

Ukwizera kwa gikristo gufata ubwisanzure nk'impano y'lmana. Uburezi bwa gikristo bwubaha ubwisanzure bw'umutima w'umuntu ku gitu cye kandi bugamije gushimangira ubushobozhi bwa buri munyeshuri mu gufata ibyemezo no kwitekerereza mu bijyanye n'imyizerere n'amahitamo y'ubuzima.

Ibi bivuze ko mu myumvire ya gikristo, ubwisanzure buhora ari indangagaciro y'ubusabane nk'uko itegeko ry'urukundo ribygisha. Ubuzima, kwiga no gukora biruzuzanya kandi bikorerana kubw'ineza ya bose. Abaprotestanti rero ni imiryango yo kwigirwamo kandi ni ahantu abantu basangira imibereho, aho urubyiruko rushobora kwitoreza gutsinda, kwimenyereza ibyo kwizera, umurimo n'impuhwe ku bandi bantu.

Amashuri y'abaprotestanti yimakaza gahunda y'uburezi bwuzuye bukomatanya iby'umwuka, ubusabane, ubumenyi, umubiri, amarangamutima, umuco, imibanire, kandi agamije iterambere ry'umuntu wuzuye.

### **4      Uburezi mu mashuri y'abaprotestanti bushingiye ku *kwizera Umwuka Wera*.**

Kwizera Umwuka Wera ni impano y'igiciro ku mashuri y'Abaprotestanti. Muri ibi bigo, abarimu bemera kandi baba banejejwe no kwemera ko batazi byose ku murimo wo kwigisha abanyeshuri babo, kandi ko n'urugendo rwo kwigisha bitoroshye kuruteganya ijana ku ijana cyangwa ngo rube ntakuka. Niyo mpamvu ari ngombwa ku mwigisha kugira umutima ufunguye kandi witeguye kwakira ibihe bidasanzwe, bititeguwe, no kuvumbura impano ziri mu bandi.

### **5      Uburezi mu mashuri y'abaprotestanti bushingiye ku *bufatanye mpuzamahanga no kuba ukuboko kw'lmana ku bari mu kaga*.**

Ihame ry'inshingano rusange ku bantu bose ni indangagaciro y'ukwizera kwa gikristo. Ubukristo bwamagana akarengane k'isi ya none, bwita ku bakene, abanyantege nke n'abarengana. Amashuri y'Abaprotestanti ntagira ubwiko bwo kwirebaho yonyine, ahubwo azirikana inshingano afite muri sosiyete yose. Mu gihugu runaka cyangwa ku isi yose, amashuri y'abaprotestanti ni imiryango yiyeze kandi ihangayikishijwe n'imibereho y'abandi. Yita ku ntumbero mpuzamahanga y'uburezi n'ukwizera, kandi akagaragaza ishusho y'impuzamadini nk'uko iri jambo riri mu gisobanuro cy'umwimerere cyaryo, ni ukuvuga kubana n'isi yose ituwe.

### **6      Uburezi mu mashuri y'abaprotestanti bushingiye ku *byiringiro by'amahoro n'ubutabera mu Bwami bw'lmana*.**

Ukwizera kwa gikristo kureba no ku biriho ubu kubera isezerano ry'Ubwami bw'lmana. Amashuri y'Abaprotestanti ni imiryango y'ibyiringiro ifite umuco utuma abakozi n'abanyeshuri bayo bashobora gukomezanya icyizere mu gihe kiri imbere. Azirikana ugutsindwa n'integre nke bya Muntu, ahanganye n'ingorane n'amakimbirane, ariko akora kugira ngo habe amahoro n'ubwiunge.

## Guherekeza no gushyigikira abanyeshuri mu mikurire yabo : Inzira y'uburezi

### 1 Amashuri y'Abaprotestanti yemera ko buri munyeshuri yifitemo *ubushobozi karemano bwo kwiga, kwiteza imbere no kwisanzura.*

Ku mashuri y'Abaprotestanti, buri mwana ni ikiremwa cyihariye, cyifitemo imbaraga zihariye n'umurundo w'impano bimuyobora kugira ngo abe uwo ariwe. Amashuri y'Abaprotestanti ahanira kuba « amashuri meza », binyuze mu buryo atanga icyerekezo cy'icyizere ari nako ashakisha uko yakwinjiza izi mpano zose mu buzima bw'ishuri kugira ngo afashe buri wese kwiteza imbere. Imyitwarire isangiwe n'imibanire myiza bituma habaho ibiganiro bishimishije n'ubwisanzure.

### 2 Amashuri y'Abaprotestanti *yemera ko umuntu ashobora gucumura, ariko akanatanga imbabazi.*

Imyigire n'imikurire ntabwo bikurikiza umurongo ugororotse : Umuntu ashobora kwigira ku makosa ye, ku mpinduka ndetse no mibabaro yaciemo. Imyigire ituma haboneka umwanya wo gukora amakosa, kandi kuyagarukaho hagamijwe gusobanukirwa no kubaka byungura imyigire. Amashuri y'Abaprotestanti yemera gutanga andi mahirwe, ari byo bituma habaho umurimo w'ubwiyunge bugirira umumaro abanyeshuri kimwe n'abarimu. Abarimu b'amashuri y'Abaprotestanti bakagombye kuba basobanukiwe ko uburezi ari ngombwa no gusobanukirwa ububasha bafite ku buzima bw'abanyeshuri babo.

### 3 Amashuri y'Abaprotestanti ahanira *ubwisanzure bwubaka.*

Gahunda y'uburezi mu amashuri y'Abaprotestanti igamije ko abanyeshuri bagira ubwisanzure mu byo bakora kandi biteguye no kuba babisobanura. Abantu bakuza ubushobozi bwabo iyo impano zabo zihawe agaciro kandi bagashishikarizwa kugirira hamwe uruhare mu mibereho y'abantu. Ibi bizisunikira icyarimwe mu kwiyemeza gufata inshingano ku gitи cyazo, ku bandi, ku bidukikije no ku bihe bizaza.

Amashuri y'Abaprotestanti akorana n'abanyeshuri n'imiryango migari ihagarariye indi myize-rere n'indi myumvire yo ku isi. Ayo mashuri yagura imyumvire yayo binyuze mu biganiro n'abandi, kandi agashyigikira ubwubahane, binyuze mu kwimakaza ubudasa bw'abantu n'ubw'ahantu ishuri rituye. Mu rwego rw'uburezi, agamije ubwigenge bwa Muntu, ubuvumbuzi n'umuco wo kujora, ariko bishingiye ku bugwaneza no kwifatanya n'abandi.

### 4 Amashuri y'Abaprotestanti *yimakaza imyigishirize ifite ireme.*

Amashuri y'Abaprotestanti ashaka kwimakaza uburezi bufite ireme binyuze mu myigishirize ishingiye ku munyeshuri: Kumushishikariza kugira uruhari mu myigire ye, gutunganya neza aho yigira, gushyiraho amategeko y'ishuri asobanutse, gucunga neza igithe, kujya inama mu micungire y'ishuri. Kubera ko byamaze kugaragara ko gukangurira abarimu guteza imbere imyigishirize yabo bituma ireme ry'uburezi rizamuka, amashuri y'Abaprotestanti nayo agendera muri uwo murongo. Ikigero gihanitse cy'imyumvire nacyo ni ngombwa mu rwego rwo kwiteza imbere no guhora habaho kwivugurura.

**5 Amashuri y'Abaprotestanti aharanira ko abantu babona *ubutabera mbonezamibanire*.**

Amashuri y'Abaprotestanti aharanira ubutabera mbonezamibanire bw'abantu, yita ku mwana wese ku giti cye, ashiraho politiki nziza y'imitangire y'akazi, kandi yita byumwihariko ku burezi bw'abanyeshuri batagira kivurira, nk'abanyeshuri bafite ubumuga, abaturuka mu bice byasigajwe inyuma n'amateka cyangwa biruhanije. Amashuri y'Abaprotestanti yimakaza politiki y'uburezi budaheza ku bijyanye n'igitsina, ururimi, amateka, ubwoko, n'ikindi cyose cyatuma habaho iheza. Ashishikazwa no guteza imbere ubutabera mbonezamibanire ku rwego rw'akarere, igihugu n'isi yose, binyuze mu gutekereza ku bibazo by'imyifatire n'imyitwarire, bishyigikira imyigishirize ku iterambere rirambye, uburenganzira bwa Muntu, n'uburezi budaheza kandi bukomatanya. Mu bice birimo intambara n'amakimbirane, amashuri y'Abaprotestanti ashobora kuba ahantu ho kubonera ubwiyunge, aho ukwizerana kuzamuka n'ahantu hari ubwisanzure mu bitekerezo. Ibyo bitangirira mu kwiga kubaha abandi no kwiyubakamo ubushobozi bwo kwamagana akarengane.

**6 Amashuri y'Abaprotestantiaharaniera gukoresha umuco *w'ubukristo n'ubushobozi bwayo bwo gusesengura bishingiye* ku nt ego y'ibikubiye mu nteganyanyigisho.**

Gushishikazwa n'ibikubiye mu nteganyanyigisho hamwe no kwimakaza ishusho y'umuco bisingiye ku ndangagaciro, byakagombye gutuma bagera ku bushobozi-ngiro. Amashuri y'Abaprotestanti yakagombye kuzirikana ko ishyirwamubikorwa ry'ibyigishijwe cyangwa bikwiye kwigishwa risaba rimwe na rimwe ibitekerezo bishingiye ku ndangagaciro.

**7 Amashuri y'Abaprotestanti agamije *iterambere mu by'umwuka, mu myemereere no mu mitekerereze y'abanyeshuri bayo*.**

Amashuri y'Abaprotestanti yigisha lyobokamana kandi akayoborwa n'indangagaciro za gikristu n'ibihe by'amasengesho ya buri munsi. Ubujanama bwa gikristu no kuba hafi y'abanyeshuri byagombye kuba mu nteganyanyigisho z'ayo mashuri. Ubwinski bw'amatorero n'amadini bwakagombye kwitabwaho, noneho amashuri agashishikarizwa guteza imbere ubushobozi bwo kuganira.

**8 Amashuri y'Abaprotestanti yiyemeza *gushyigikira abarimu babo*.**

Abarimu nibo soko y'ibanze mu gutanga uburezi bufite ireme. Mu mashuri y'Abaprotestanti, abarimu bagombye kuba icyitegererezo ndetse no mu gihe cyo gushidikanya kimwe n'igihe habayeho gutsindwa. Amahugurwa ahoraho y'abarimu no kubateza imbere ni ingenzi cyane. Abaterankunga b'amashuri y'Abaprotestanti bagombye gushyira imbaraga mu kurinda ubuzima bw'abarimu babo, kubahemba neza no kwita ku mahugurwa yubaka ubunyamwuga bwabo.

**9 Amashuri y'Abaprotestanti afite umugambi wuzuye *wo kwita ku ruhari rwabo mu rubuga rw'uburezi*.**

Uburezi ntabwo ari intego n'inshingano by'amashuri yonyine, ahubwo ababyeyi, amashyirahamwe y'urubyiruko, abaturanyi, urungano, amaparuwas, n'ibindi byiciro bireba, bose nabo ni ngombwa. Amashuri y'Abaprotestanti yagombye gukorana mu buryo bugaragara n'aba bose, azirikana ko akorera mu rubuga rw'uburezi rwagutse cyane.

## Intumbero yacu

Amahame ya tewolojiya n'uburezi twasobanuye haruguru, ku mashuri y'Abaprotestanti, are-rekeza ku byiyumviro bikurikira bigize intumbero nziza abantu bose bashobora gutangaho umusanzu.

Amashuri y'Abaprotestanti ashishikajwe n'igihe kiri imbere ; ashishikariza abanyeshuri bayo kwita ku buzima bwabo mu nshingano zabo zose, abayobora ku bikorwa by'ubunyamwuga bifite ireme, kandi akabaremamo umuhati wo kugira umugambi mu buzima. Abategurira kugira uruhari rugaragara mu bantu, akabashyiramo umuhati wo guharanira uruhari rwabo mu bantu, no kubashishikariza kuba abantu b'innyangamugayo, inzira banyuramo iyo ariyo yose. Ayo mashuri ni imiryango y'ibyiringiro aho bishimira insinzi, aho barema umutimanama, aho bigira kwiyubaha, kandi hakaba n'aho biyemereza kwita ku bandi. Imvugo y'ikilatini « semper refor-manda » itwibutsa ko gutekereza no kwisubiramo ari ngombwa. Abanyeshuri kimwe n'abakozi babibonamo uburyo bwo kwiteza imbere nk'abantu buzuye. Ubumenyi bwa kinyamwuga, gusobanukirwa hamwe n'impano bishyirwa mu bikorwa kugira ngo haboneke uburyo aho buri muntu ahabwa agaciro kandi akakira icyerekezo cy'umusanzu ashobora kuzana mu ruhame.

Mu mashuri y'Abaprotestanti, ubushobozi bwo kumva abandi byimbitse buva ku busabane n'Imana bwo mu mutima buzanira abayakoramo n'abayigamo imbaraga n'ibyangombwa bibashisha guhangana n'ibibazo bitandukanye bibategereje mu buzima. Amasengesho, gusoma Ijambo ry'Imana, kuramya n'umuco w'ubusabane bw'abakrisito bihuza itsinda ry'abrimu n'abanyeshuri banyuranye hagamijwe umurimo rusange wo kurera. Usanga muri ayo mashuri hari icyerekezo rusange cy'umugambi wuzuye w'uburezi. Hajya habaho kuzirkana no gushima abantu bakoresha igihe cyabo n'impano zabo kugira ngo bashyigikire bagenzi babo. Habaho kwishimira ibikorwa byagezweho binyuze mu nzira rimwe na rimwe ziruhanyije. Uhasanga guhangayikira isi yaremwe yagenewe abantu bose.

Iyo migenzereze ituma amashuri y'Abaprotestanti yibanda ku bana, aca akarongo ku kamaro ko kwigisha, aha agaciro buri bwoko bw'integanyanyigisho no gushyiraho umwanya urambuye ku ishuri kugira ngo buri munyeshuri ashobore kugera ku rufatiro rwiza kandi rukomeye ku buzima. Ayo mashuri yigisha gusesengura noneho agatanga ubuhanga ; abumabtiye byimazeyo ukuri n'ubunyangamugayo ; yemera ko ibikorwa bivuga kuruta amagambo, ariko ko amagambo nayo ari ngombwa, yemera ko ubuyobozi ari urwego rw'umurimo, kandi ko ubuyobozi bwiza ari ikintu cya ngombwa mu buzima. Ntabwo asubira inyuma imbere y'ibibazo, kandi ajya abanza gutekereza ku mahame mbonezamuco y'in zaduka, ari nako aba yiteguye kwakira no kwiga ibintu bishya. Ni ahantu umuntu akurira kandi ahindurirwa, biggerwaho kubera ubutumwa bwiza bwa gikristo ku isi hose bwo gucungurwa no kubaho bundi bushya.



## Gukomeza urugendo

Urugaga rw'Amashuri y'Abaprotestanti n'lmiryango y'Uburezi ku isi aragenda arushaho kuba ahantu h'ibiganiro ngombwa kugira ngo ayo mashuri ashyigikirane kandi asabane ku rwego rw'isi. Ihuriro mpuzamahanga mu burezi -rishingiye ku Ivugurura ryiswe mu rurimi rw'icyongereza « Global Pedagogical Network – Joining in Reformation » (GPENreformation) rizatangizwa ku mugaragaro i Wittenberg muri 2017 kugira ngo rikomeze umurimo watangijwe n'urugaga rwitwa « Amashuri 500 yizihiza isabukuru y'imyaka 500 y'Ivugurura ». Ibitekerezo bya Twolojiya n'ibyo mu rwego rw'uburezi bizahuzwa n'ibikorwa by'uburezi kugira ngo habeho ibiganiro ku rwego rw'isi bikungahaye. Imizi rusange y'ivugurura ihuza amashuri n'ibigo bin-yuranye. Twese dusangiye ubuntu n'ubumenyi Imana yaduhaye nk'impano muri Yesu Kristo.





Evangelische Kirche  
in Deutschland



Avec le soutien de:



Ministère fédéral  
des Affaires étrangères

**Brot  
für die Welt**



International Association  
for  
Christian Education



Comenius-Institut  
Evangelische Arbeitsstätte für  
Erziehungswissenschaft e.V.

